

# I CORINTO 3:1-23

## REVIEW...

- **ANG SIUDAD SANG CORINTO...**
  - o Ang Corinto isa ka matahom, mainusawagon, kag maimpluwensia nga siudad sa Emperyong sang Roma...
  - o Apang ang Corinto bantog man sa idolatriya kag pagkasalamwanan...
  - o Kag ini ang lugar kon sa diin si Pablo nag sugod sang simbahan - apang nanging simbahan nga puno sang problema!
  - o Gindedikar ni Pablo ang bug-os nga sulat para atubangon ang mga problema sa simbahan...
- **I CORINTO 1:1-9 - ANG PAGPANAMYAW SA SIMBAHAN...**
- **I CORINTO 1:10-17 - ANG UNA NGA PROBLEMA - PAGBINAHIN-BAHIN SA SIMBAHAN - PAGSUNOD SA TAWO...**
  - o Ang masunod nga 4 ka chapter ni Pablo naga patuhoy sa sini nga problema - **I Corinto 1:10-4:21**
    - Kon may pagbinahinbahin sa simbahan - nagapugong sa aton nga mangin epektibo para kay Jesus...
    - Ang solusyon sang pagbinahin bahin - dapat si Jesu Cristo ang sentro kag aton nga tutokan - ang isa ka butang nga may ara kita tanan!
  - o Ang una nga ginhalinan sang pagbahin-bahin - amo ang pagsunod sa tawo - Ako sa kay Pablo / Apolo / Pedro / kay Jesus...
- **I CORINTO 1:18-31 - ANG IKA-2 NGA PROBLEMA - PAGBINAHIN-BAHIN SA SIMBAHAN - ANG KAALAM SANG TAWO...**
  - o 1<sup>st</sup> - Ang Kaalam sang mensahe sang Dios - ang krus - kabuangan para sa kalibutan!
  - o 2<sup>nd</sup> - Ang Kaalam sang mga mensahero sang Dios -ang buang buang nga mga tawo sang kalibutan!
- **I CORINTO 2:1-16 - ANG PAGKA SIMPLE SANG MENSAHE SANG DIOS...**
  - o Determinado si Pablo nga iwali sa simbahan nga si Cristo gin lansang sa Krus - ang simple nga Maayong Balita...
  - o Agod nga ang pagtuo sang mga tumulu-o ma base sa Pulong sang Dios - indi sa pinamulong sang tawo...
  - o Sa mga nakabaton sang mensahe sang Maayong Balita - gin himo sila nga mangin perfecto kag makaintiende...
    - Ang 'pagkatanhaga' sang Gugma sang Dios - ginlansang si Jesus sa pundasyon pa lang sang kalibutan
    - Ang kahamungayaan sa plano sang Dios sa mga nagahigugma sa Iya (*indi makita sang mata...*)
    - Ginpahayag sang Espiritu sang Dios sa aton - nakahibalo Siya sang hunahuna sang Dios..
    - Indi pareho sang mga wala nagatu-o - indi makahibalo sang kamatuuran sang Dios - wala sang Balaan nga Espiritu!

## ANG IKA- 3 NGA PROBLEMA - PAGBINAHIN BAHIN SA SIMBAHAN - DI-HAMTONG SA ESPIRITWAL... VS. 1-8

### ● ESPIRITWAL VS. LAWASNON... VS. 1-4

- Ang ika 3 nga rason sa pagbinahinbahin sang simbahan - indi hamtong ang mga tumulu-o...
- Gin sabdong ni Pablo ang simbahan - indi makahambal sa ila nga isa ka 'Espiritwal' sabaylo isa ka 'lawasnon'...
- Espiritwal - hamtong sa pagtu-o - may ikasarang nga magtulon sang 'karne' - madalom nga kamatuuran nga Pulong sang Dios...
  - Ang paghangop sang kabuhi nga indi lang nahanungod sa umalagi nga kinahanglanon kag kalipayan...
  - Nagakilala sang mga konsekwensya – pareho sa umalagi kag eternidad – sa aton mga binuhatan...
  - Nagahandom nga mahamuot ang Ginoo pareho sa gawi kag panghunahuna...
- Lawasnon - di-hamtong sa pagtuo - ang matulon lang 'gatas' - simple nga pagtudlo...
  - Sa mga nakakilala sa kay Jesus - apang nagakabuhi sa unod - lawasnon nga handum...
  - Mabuhi para makaka-on / tulog / mag kalipay sa kalingawan sang kabuhi...
  - Padayon nga ginahimo ang ila sala - nagakabuhi para lipayon lang ang ila kaugalingon...
- Ginpakaon ko kamo sang gatas - indi karne...
  - Sa una - ginapakaon ni Pablo ang tumuluo sang 'gatas' - nga amo man gid ang ginapaabot...
    - Ang tumuluo sang Corinto wala nag tubo sa ila nga panglakaton sa Ginoo...
    - Apang asta sa tion sang pagsulat ni Pablo sini- ang ila matulon 'gatas' lang gihapon!
    - Wala gid sila nag hamtong sang ila pag tuo - wala sila nag hamtong sa Ginoo...
    - Sang una naton nga pagkilala sa Ginoo - indi naton maintiendihan sang maayo...
    - MADAMO sang parte kay Jesus kag sa Pulong sang Dios nga indi naton mahangpan...
    - Kadamo sang kasaypanan nga aton nahimo - kag kabudlayan sa paglutos sang aton sala...
    - Apang indi kita dapat nga magpabilin sa amo nga kahimtangan - sa pag tuon sang Pulong sang Dios - nagakadapat nga naga tubo kita...
    - Nami lang nga mag pa didi sa lapsag - indi ka makibot kon mahigkoan ila diaper
    - Apang kon ang isa ka 20 anyos naga lutgot pa sa botelya sang gatas - kag naga gamit sang diaper...
    - Indi bala nga daw ka trahedya sina - isa ka butang nga sala gid...
    - Kon ang isa ka tumuluo naluwas sang 20 na ka tuig - lawasnon - nagapabilin sa kabuhi nga kalibutanon
    - Isa ini ka trahedya - wala gid siya nagtubo sa Ginoo - wala gid naghamtong sa iya nga pagtuo...

- Nga kon tani amo na ang naga tudlo sa iban - nga naga kinahanglan sang simple nga kamatuuran...
  - \* **Hebreo 5:12** - “Dapat kuntani mga manunudlo na kamo kay dugay na kamo nga nagtuo, pero hasta subong kinahanglan pa gid kamo nga tudluan sang mga panguna nga mga pagtulun-an parte sa pulong sang Dios. Pareho gihapon kamo sa mga lapsag nga nagakinahanglan sang gatas tungod kay indi pa kamo makakaon sang matig-a nga mga pagkaon.”
  - Bilang isa ka tumuluo ni Jesus kinahanglan gid nga - mag hatag sang tion nga mag tuon sang Pulong sang Dios ..
  - Dapat nagtubo na nga indi na kinahanglan sang gatas - ang simple nga mga kamatuuran - kaluwasan paagi sa pagtuo / ang paghukom sa eternidad...
  - Nag tubo sa Ginoo sa lugar nga sa diin makatudlo man kita sa iban nahanungod kay Jesus!
- Ang pamatuod sang ila pagkabata-bata...
  - Ang mga tumuluo sa Corinto dapat tani nga makugi sila - para kay Jesus...
    - Sa baylo makugi sila sa pag debate sa isa kag isa sa ila nga pag binahinbahin’...
    - Ang ila denominasyon nga pamatasan - ako kay Pablo / ako kay Apolo...
    - Nagpakita nga indi pa sila hamtong - nagapakita nga mga lapsag pa sila sa kay Cristo...
    - Si Pablo wala nag pugong-pugong diri - ang mga nagbahin-bahin sa denominasyon - mga di-hamtong
    - Mga tawo nagalalis bilang katoliko / Baptist / Adventist...
    - Nagapakita nga ayhan indi pa sila luwas - ukon wala gid nag tubo sa Ginooo...
  - Tungod naga gawi sila nga wala sang kinatuhay sa gawi sang antes nila nakilala si Jesus
    - Ang mga tawo sa kalibutan namian sang pag binahin bahin - may ara sila kaugalingon nga grupo / barkada...
    - Sa kalibutan ginapabugal gid ang pamilya / banwa / nasyon...
    - May mga tawo nga nag-inaway kag nagpatyanay tungod lang nga kontrahanay ang ila grupo sa sports...
    - Apang indi dapat pareho sa simbahan - dapat mag hiliusa kita tungod sa Gugma!
    - **Juan 13:35** - “Kon nagahigugmaanay kamo, ina mahibalan sang tanan nga kamo akon mga sumulunod.”
    - Kon ginabahinbahin ang simbahan sa mga denominasyon -gina pakita naton nga pareho lang kita sa kalibutan!
- **ANG PAGTANOM KAG PAG BUNYAG... VS. 5-7**
  - Indi ini parte sa mensahero...
    - Sin-o si Pablo - sino si Apolo - isa lang sila sa mga nagapangalagad sa Dios- - nga nagsugid sa imo parte kay Jesus...
    - Kon may nabaton ka nga surat nga may P1000 halin sa imo abyan...

- Indi ka mag pasalamat sa mensahero - makadto ka kag magpasalamat sa imo abyan nga nag hatag sa imo sang kwarta ...
- Sa amo man nga paagi indi importante kon sino ang nag sugid sang parte kay Jesus - n ang Maayong Balita ...
- Indi importante kon diin ka nga simbahan naluwas - ang punto, nabaton mo si Jesus!
- Isa nagtanom - lain ang nag bunyag - Ang Dios nagapatubo!
  - Ang isa ka tawo ma tanom sang binhi - lain naman ang mabunyag sini- apang ang Dios lang ang makapatubo!
  - Gani indi lang ni parte kon sino nag tanom ukon nag bunyag - ang pagdayaw makadto gihapon sa Dios!
  - Ang isa nga nagtanom kag ang isa nga nag bunyag pareho nga naga obra agod nga ang binhi mag tubo
  - Si Pablo nag tanom sang binhi sang Maayong Balita - kag si Apolo ang nag bunyag sang binhi...
  - Pero sa katapusan, ang Dios ang nagatuga nga magtubo ang mga tawo sa Ginoo!
  - Ang Kasimbahanan - mga pastor - wala ginapadunggan para sa mga tawo nga naga tubo kay Jesus..
  - Ayhan naluwas ka (*gintanom*) sa pagpamati sa pastor - sang isa ka simbahan...
  - Dayon nagtubo ka sa Pulong sang Dios (*gina tubigan*) sa iban nga simbahan...
  - Wala nagahimo nga ang isa ka simbahan mas maayo sang sa isa - pareho nga gin-gamit!
  - Kag sa katapusan ang Dios nag-gamit sang pareho para itanom kag bunyagan ka para sa Ginoo!
  - Indi mag tulok sa simbahan - indi mag padungog sa tawo - ihatag ang pagdungog sa kay Jesus!

## ANG PAANDAM SA MGA PASTOR ... VS. 8-15

### ● ANG PADYA SA ILA NGA PAGPANGABUDLAY... VS. 8-10

- Kon ang padunggan sang tanan amo ang Dios - ano ang makuha sang pastor ...
  - Sa pagpanguma - ang naga tanom kag ang naga bunyag naga baton sang padya sa ila nga pagpangabudlay...
  - Kon ang isa napaslawan sa iya nga parte - ang pananom mapierde man...

- Ang padya nga mabaton nila amo ang bunga nga halin sa ila nga tingob nga pagpangabudlay...
- Ang padya sa pag alagad sa Dios...
  - 1<sup>st</sup> - Ang simbhan sa Corinto iya sang Dios nga latagon - si Pablo ginpadala para sa pag panguma sini...
    - Ang padya nga mabaton ni Pablo amo ang makita niya ang mga bunga sa kabuhi sang mga nagtuo...
    - Siya ang nag tanom / si Apolo ang nag bunyag - pareho sila nagkalipay nga makita ang mga katawhan nga nagatubo - bunga!
    - Ang masubo nga butang para sa akon nga madamo nga pastor subong nagapinsar nga sila lang ang isahanon nga mangunguma'...
    - Nga daw isa lang ang simbahan - ila simbahan - ang insakto nga simbahan...
    - Ang kalipay tani sang mga pastor amo nga makita nila nga nagatubo kag naghamtong ang mga tawo ...
    - Nga bisan diin man sila nagatambong nga simbahan - isa kita sa kay Cristo!
  - 2<sup>nd</sup> - Ang simbahan (*mga tawo*) amo ang balay sang Dios - si Pablo gin padala para magtukod...
    - Ang padya nga nabaton ni Pablo amo ang makita ang simbahan sang Dios nga natukod sa Corinto...
    - Ang padya sang isa ka pastor - amo ang makita ang mga tawo nga naga tubo kag ang simbahan sang Dios matukod...
    - Ang pinakadako nga kalipay ko amo ang makita nga naga tubo ang mga tawo sa Ginoo - naga pamunga para sa Ginoo...
    - Padayon gid ako nga nagakalipay nga parte ako sang pagtukod sang Dios sang Iya simbahan!
    - **III Juan 1:4** - "Wala na sang makahatag kalipay sa akon nga sobra pa sang mabatian ko nga ang akon mga anak sa pagtuo nagakabuhi suno sa kamatuoran."
- **ANG BUHAT NGA GINTILAWAN SA KALAYO... VS. 10-15**
  - Si Pablo ang maalamon nga pangulo nga panday (*architect*) sa simbahan sang Corinto...
    - Nagpasad si Pablo sang pundasyon sang simbahan - tungod nga siya ang una nga nag sugid sang Maayong Balita didto...
    - Ang iban nga mga tawo nag-abot - kag nag dugang - nagpasad sa babaw sang ina nga pundasyon...
    - Apang siya nag paandam - nga mag halong sila kon paano nila dugangan ang simbahan...
  - Kay isa lang gid ang pundasyon - amo si Jesu-Cristo...
    - **Mateo 16:18** - "Kag sa sini nga bato pagatukuron ko ang akon iglesya."
    - Ang 'Bato' nga ang pundasyon sang simbahan - nga amo si Jesu-Cristo!
    - Ang ginhimo ni Pablo nga pundasyon - ang pundasyon nga matindogan sang simbahan !
    - May ara nga naga tinguha nga 'islan' ang pundasyon...

- Gusto nila nga magtukod sang simbahan nga nagtindog sa denominasyon - sa ngalan-imbes nga sa Dios
- Kon ang simbahan naga usar sang ngalan sang tawo / ngalan sang simbahan - labaw sa ngalan ni Jesus...
- Kon ang denominasyon nangin mas importante kaysa kay Jesus - sala nga pundasyon...
- o Ang bisan sin-o nga naga tukod sa pundasyon nga si (Jesus) - ang ila buhat pagatilawan...
  - Ini pagatilawan kon ini bala bulawan/pilak/kag malahalon nga mga bato ukon Kahoy/kugon/kag dagami...
  - Paga tilawan ini - sa pag paagi sang binuhatan sa kalayo - sa ADLAW (*sa adlaw sang pag hukom*)...
  - Ang ideya nga ang binuhatan sang pastor/lider nga naga alagad kag naga tudlo sa simbahan - pagatilawan
  - Ang ila bala nga pag pangabudlay nakabase kay Jesus - ukon sa ngalan nila /kaugalingon nga pag tinguha...
- o Apang kon ang ila 'binuhatan' nagpadayon - magabaton sila sang padya...
  - Kon ang pundasyon sang ila pagpangabudlay si Jesus - nian ang buluhaton mapadayon...
  - Mangin maathag tungod sa bunga nga halin sa pagpangabudlay - hamtong nga tumuluo!
  - Permi ka makakita sang simbahan nga natukod kay Jesus - ang mga tawo nagatubo sa Ginoo...
  - Ang pagtuo halin sa pagpamati sa Pulong sang Dios - **Roma 10:17** - ginakilala si Jesus...
  - Ang bunga sang simbahan amo ang bulawan/pilak/malahalon - tungod naga tiner - **Juan 15:16**
  - Sa amo man nga paagi makakita ka sang simbahan nga puno sang kahoy/kugon/ kag dagami...
  - Wala sang pagka hamtong sa mga tumulu-o - 20 na ka tuig - nagpabilin nga lapsag...
  - Sige sang lalis parte denominasyon - nag pabilin sa kabuhi nga pareho lang sang una nila makilala si Jesus!
- o Kon ang 'obra' sang isa ka nagapangabudlay masunog - makabatyag gid siya sang kadulaan - pero siya mismo maluwas
  - Ang obra sang isa ka pastor masunog lang (*sermons, lectures, books, teaching, tanan mala nga saw yab-ok*)
  - Maluwas siya gihapon - apang ang tanan nga pagpangabudlay niya madula sa kalayo...
  - Isa ka trahedya sa isa ka kabuhi nga wala sang bunga - ang isa ka manugpangabudlay nga nag tukod nga pahapyaw lang sa matuod nga pundasyon
  - Ang iya pagpangabudlay mangin daw aso lang nga nag agi - ang iya nga mensahe wala sang unod wala naga pabakod...
  - Wala sang marka sa kabuhi sang manog palamati - isa ka laragway sang uyang nga kabuhi!

## GANI INDI MAG TUGA SANG PAGBINAHIN-BAHIN... VS. 16-23

### ● KAMO ANG SIMBAHAN SANG DIOS... VS. 16-17

- o Nag balik si Pablo sa mga santo sa Corinto - kamo ang templo sang Dios...

- Ang Balaan nga Espiritu (*nga amo ang Dios*) nagapuyo sa inyo - sa sulod sang simbahan sang Dios...
- Ang simbahan sang Dios indi isa ka building - indi partikular nga denominasyon...
- Isa lang ang simbahan sang Dios - kita tanan parte sang Lawas ni Cristo...
- Bisan ano pa ang ngalan - tradisyon - kita tanan parte sang simbahan sang Dios!
- Kon imo guba-on ang simbahan sang Dios - guba-on ka sang Dios ..
  - Kon magbalik sa ideya nga naga tuga sang pagbinahinbahin sa sulod sang simbahan -nagaguba ini sang simbahan
  - May kabaylo nga silot - gub-on sang Dios ang naga pangguba sang simbahan!
  - Kon kita naga tuga sang pagbahin-bahin sa simbahan sang Dios -kon naka sentro lamang kita sa denominasyon - bantayan mo...
  - Kon may mag balbal sa asawa mo - Ano ang himu-on mo sa ila...
  - Kita ang Nobya ni Cristo - ano ayhan ang himu-on sang Dios sa isa ka tawo nga mag sakit sa aton
- **INDI PAGSUNDA ANG KAALAM SANG TAWO... VS. 18-23**
  - Bisan sin-o sa inyo nga maalam sa sini nga kalibutan - mangin buangbuang para kay Jesus...
    - Tungod nga ang kaalam sang sini nga kalibutan kabuangan sa Dios - ang panghunahuna sang maalam - wala sing pulos!
    - Tungod lang nag binahinbahin ang iban - indi pagsunda ang ila halimbawa - indi gid mag sunod sa kaalam sang tawo!
    - Pabilin nga simple - kag magpabilin nga malig-on kag napasad sa pundasyon ni Jesus!
    - Indi makontento sa gamay - indi pagkawati ang imo kaugalingon sang pagpakamaayo sa kabuganaan sang simbahan...
    - Indi lang sa isa ka simbahan - apang ang pagpakamaayo sa pagkilala sa tanan nga anak sang Dios...
  - Ara na sa imo ang tanan - Pablo / Apollos /ang bug-os nga kalibutan!
    - Ang butang nga yara karon - ang butang nga maabot - kabuhi kag kamatayon - ara na sa imo tanan!
    - Iya ka ni Cristo - kag si Cristo Iya sang Dios!